

KUMPULAN PUISI

# Di Kebun Amal

*Ramlie A.R*





# KUMPULAN PUISI

Di Kebun Amal : kump



SAB00000816

PUSAT DOKUMENTASI MELAYU  
DEWAN BAHASA DAN PUSTAKA

# Di <sup>SBH 816</sup> Kebun Amal

*Ramlie A.R*

Dewan Bahasa dan Pustaka  
Cawangan Sabah  
2004

Penerbitan kumpulan puisi *Di Kebun Amal* ini diusahakan oleh Dewan Bahasa dan Pustaka Cawangan Sabah.

Cetakan Pertama 2004  
© Ramlie A.R

Hak Cipta terpelihara. Tidak dibenarkan mengeluarkan ulang mana-mana bahagian, artikel, ilustrasi, isi kandungan buku ini dalam apa jua bentuk dan dengan apa cara jua sama ada secara elektronik, fotokopi, mekanik, rakaman atau cara lain sebelum mendapat izin bertulis daripada Pengarah, Dewan Bahasa dan Pustaka Cawangan Sabah, Beg Berkunci 149, 88999 Kota Kinabalu.

Perpustakaan Negara Malaysia

Data Pengkatalogan-dalam-Penerbitan

Ramlie A.R., 1948-

Di kebun amal : kumpulan puisi / Ramlie A.R.

ISBN 983-62-8696-9

1. Malay poetry. I. Judul.

899.231

Editor  
Japar Haji Ungki

Dicetak oleh  
**UTUSAN KINABALU CO. SDN. BHD.**  
No. 3, Lorong Dewan,  
Peti Surat 11056, 88811  
Kota Kinabalu, Sabah, Malaysia.  
Tel: 088-257400 Faks: 088-252658

# KANDUNGAN

<i>Prakata</i>	<i>ix</i>
<i>Catatan Penyair</i>	<i>x</i>

1. Satu Perjalanan **1**
2. Risiko **2**
3. Serunai Batang Padi **3**
4. Gadis Berbaju Merah Saga **4**
5. Matikan Bicara **5**
6. Preface **6**
7. Dengan Api yang Tidak Terbakar **7**
8. Malam Bulan Dua Likur **8**
9. Burung Putih **9**
10. Elegi **10**
11. Seorang Kuli Jalan **11**
12. Pada Tuhan **12**
13. Tuhan Yang Ria **13**
14. Lokomotif **14**
15. Lukisan Puisi **15**
16. Dalam Renungan **16**
17. Epilog **17**
18. Seni **18**
19. Kepulangan yang Dijanjikan **19**
20. Dua Wajah **20**
21. Daun-daun yang Gugur **21**
22. Satu Bicara **22**
23. Aku di Sampingnya **23**
24. Sebuah Harapan **24**
25. Pada Milik yang Ada **25**
26. Kertas Sepi **26**
27. Tinggi di Puncak **27**
28. Surat untuk Mama **28**
29. Sebuah Malam Menutup Wajah **29**
30. Sumpah Terdedah **30**
31. Dunia yang Muram **31**
32. Terima Kasihku **32**
33. Sebuah Lukisan Kasih **33**
34. Malam Manifestasi **34**
35. Hidup yang Gelap **35**
36. Puisi November **36**
37. Di Pantai Rasa **37**

38. Penaku Dipeluk Malam **38**
39. Homej Kepada Kudat **39**
40. Terakhir Cinta **40**
41. Selembar Kertas Hidup **41**
42. Alam yang Indah **42**
43. Waktu Masa Kini **43**
44. Kapalku **44**
45. Menilai Hawa **45**
46. Dunia Kian Tua **47**
47. Buku Punai **48**
48. Sepasang Mata Jalang **49**
49. Tiga Adegan di Pantai **50**
50. Satu Kunjungan **51**
51. Jawapan Bagi Surat Elizabeth **52**
52. Burung dan Aku **53**
53. Mesra Cita **54**
54. Sebuah Pengakuan **55**
55. Disember 1973 **56**
56. Suatu Malam **57**
57. Satu Pertanyaan **58**
58. Cabaran **59**
59. Tentunya **60**
60. Soliloquy **61**
61. Tiada Lagi **62**
62. Bukan Penyisihan **63**
63. Berjalan Sendiri **64**
64. Secebis Kejujuran **65**
65. Nenda **66**
66. Rasa Itu **67**
67. Kemahuan Hari Ini **68**
68. Putera Zaman Ini **69**
69. Ramadan **70**
70. Seorang Perempuan **71**
71. Disinikah Kami **72**
72. Nyanyi Gadis Tionghua **73**
73. Selaras Senapang Sebuah Harapan **74**
74. Salam Januari pada Kudat **75**
75. Untuk Tidak Melihat Lagi **76**
76. Lari **77**
77. Yusuko Ichiki **78**



78. Pokok di Pantai **79**
79. Cinta Limau Manis **80**
80. Telah dilahirkan Aku **81**
81. Tangis Petani **82**
82. Lumrah **83**
83. Pancaran Kesedaran **84**
84. Dialog Belalang **85**
85. Sehingga Mati **86**
86. Kerinduan **87**
87. Setitis Air Mata **88**
88. Harapan **89**
89. Nostalgia II **90**
90. Dan Aku Ragu **91**
91. Pembangunan Kota Selamatkanlah Pokok-pokok Itu **92**
92. Dalam Diri **93**
93. Selamat Pagi Pantaiku **94**
94. Kegembiraan 31 Ogos **95**
95. Memo: 12.9.1976 **96**
96. Seringnya **97**
97. Sebuah Catatan **98**
98. Petang Januari Yang Damai **99**
99. Lawatan **100**
100. Langkah di Dewan Tari **102**
101. Mimpi **103**
102. Azlina **104**
103. Ukiran Besi **105**
104. Saat-saat Berpisah **106**
105. Di Ruang Asilum **107**
106. Di Pohon Cemara **108**
107. Angin di Ladang **109**
108. Anak Penjual Kuih **110**
109. Pagi **114**
110. Marah **115**
111. Di Kuching Hari Ini Aku Anak Dagang Tak Hilang **116**
112. Di Stesen Kereta api **117**
113. Catatan Menungan **118**
114. Pamplet **120**
115. Telah Datang rasa Itu **121**
116. Penungguan II **122**
117. Perempuan Malang **123**

- 118. Tandek **124**
- 119. Keyakinan **125**
- 120. Kemerdekaan IV **126**
- 121. Sebuah Pernyataan **127**
- 122. Seekor Rama-Rama Seorang Lelaki **128**
- 123. Sejarah I **129**
- 124. Sebuah Rasa **130**
- 125. Harian II **131**
- 126. Sidang **132**
- 127. Di Sebuah Masjid Tua **133**
- 128. Mengingat Diri **134**
- 129. Di Hati Ibu **135**
- 130. Mengenal Erti Syukur **136**
- 131. Di Kebun Amal **137**

## Prakata

Ramlie A. R (nama sebenarnya Ramli Jusoh) tidak dapat dipisahkan dengan perkembangan kesusasteraan di negeri Sabah. Beliau mula menulis sejak tahun 1960-an sehingga kini. Ramlie A. R bukan sahaja dikenali sebagai seorang penulis puisi malah beliau bergiat cergas dan menulis dalam pelbagai genre seperti aktif dalam bidang drama, menulis cerpen, esei/kritikan dan menulis skrip drama pentas dan radio. Selain itu beliau juga aktif dalam pertubuhan penulis seperti Badan Bahasa Sabah (BAHASA).

Pada tahun ini DBP Cawangan Sabah telah bersetuju untuk menerbitkan kumpulan puisi beliau bertajuk *Di Kebun Amal*. Kumpulan puisi ini merupakan himpunan puisi beliau yang ditulis sejak tahun 1960-an sehingga kini. Melalui kumpulan puisi ini kita akan dapat melihat perkembangan penulisan Ramlie A.R., tentang pelbagai perkara, daripada pengalaman peribadi, isu sosial, politik, kemasyarakatan, keagamaan dan lain-lain.

Kami berharap Ramlie A. R akan terus menulis bagi memperkaya khazanah sastera tanah air. Mudah-mudahan dengan penerbitan kumpulan puisi ini akan memberikan perangsang kepada beliau untuk terus berkarya.

Bagi pihak DBP Cawangan Sabah, saya ingin mengucapkan setinggi-tinggi tahniah atas sumbangannya dalam dunia sastera di Sabah khasnya dan Malaysia amnya, dan daya usaha beliau mengumpul puisi beliau yang membolehkan kami dapat menerbitkannya.

**HAJI HAMZAH HAMDANI**

Pengarah

DBP Cawangan Sabah

2 Disember 2004



## Catatan Penyair.

Bismillahirrahmanirrahim.

Setulus puji dan puja serta kesyukuran dirafakkan ke hadrat-Nya. Selawat dan salam ke atas Nabi Muhammad SAW,semulia-mulia Pesuruh,begitu juga ke atas keluarga dan para sahabat sekalian.

Hasrat untuk membuku dan menerbitkan puisi-puisi yang tersiar sudah sememang ada sedari dulu, tetapi dilengahkan oleh gangguan kata-kata 'nantilah' dan 'tunggulah dulu'. Itulah , ianya tertangguh. Kerja tertangguh.

Apabila Sdr Japar Haji Ungki (editor) memaklumkan bahawa pihak Pengarah DBP Cawangan Sabah bersetuju menerbitkan kumpulan puisi-puisi saya,nyatalah kerja itu tidak lagi mungkin tertangguh. Itulah ,ianya syukur. Terimakasih.Terimakasih.

Kemampuan untuk menulis ada dalam setiap diri kita selagi kita mampu memanusiaikan pengalaman yang kita lalui. Pengalamanlah yang menjadi nafas utama kepada mesej karya saya.

Puisi-puisi saya, seringnya terikat teguh pada ciri-ciri perjalanan pengalaman dan gambaran-gambaran persekitaran. Hasil pengamatan yang wujud dari sesuatu yang rapat dan intim dengan alam saya. Naluri saya amat cepat terasa. Apabila terusik, saya akan mudah teruja dan akan lebih gagah untuk berpuisi. Ada kalanya karya itu cepat terhasil. Lain ketika mengambil tempoh yang lama untuk disiapkan.

Sebagai seorang manusia saya juga ingin menyampaikan cita-cita, impian dan tujuan melalui tulisan . Pada saya, puisi itu salah satu alat komunikasi. Suara-suara puisi akan hanya lahir setelah puisi itu diberi tafsiran. Makna-makna minda puisi ( yang menjadi cita-cita, impian dan tujuan penulis ) hanya boleh wujud dan menjadi nyata andai puisi itu difahami dan diberi tanda nilai. Dari situlah dapat dilihat getar dan rasa puisi-puisi itu.

Sehubungan itu, terimalah sebahagian dari puisi-puisi saya. Tulisan yang merakamkan pengalaman saya bertahun ini diharapkan sedikit sebanyak mampu memberi satu petanda pada sejarah perkembangan puisi Melayu kita.

*Ramlie A.R.*

*Kota Marudu,*

*2 Disember 2004.*

## **SATU PERJALANAN**

Dalam debu pasir menampar wajah  
pedih perit memanjang  
sepanjang jalan yang jerih ini,  
usah kau bisik tentang esok  
yang tiada mentari dengan ertinya sekali  
kerana aku tidak akan  
berhenti pada siangnya.

Setelah semalam aku katakan ya  
bukan ini harinya aku berkata tidak  
biar dalam perjalananku ini  
kepedihan menyilau segala  
perit dirongrong malam siang.

Sekali berbicara,  
berbicara aku  
pada jalan jitu ini  
kerana jasad yang sedar  
sedia tersemat di dada ibunda.

*Mingguan Malaysia*  
*22 November 1970*



## **RISIKO**

Diam-diam menelah hasratnya  
hati yang paling pikun  
dengan dada dambakannya  
datanglah utusan.

Air keruh kembali tenang  
ikan pedalaman ke permukaan.

Dan nyatanya risiko  
yang menuntut itu  
adalah jiwanya  
semula tenteram.

*Utusan Zaman*  
*6 Disember 1970*

## **SERUNAI BATANG PADI**

Dalam gegas angin petang  
sejuk danau ini  
mereka berjalan di batas-batas dingin  
kiri kanannya padi menguning.

Dan yang abang mengajak adiknya turut ke bendang  
serta berjanji  
“nanti abang siapkan  
serunai batang padi”.

Lalu yang cilik menyetujui  
serta meminta  
“aku mahu dua  
serunai batang padi”.

Batang padi ditiup nyaring  
dan bunyinya melewati udara  
daerah kaum tani  
yang harmoni.

*Mingguan Malaysia*  
*14 Februari 1971*



## **GADIS BERBAJU MERAH SAGA**

Gadis berbaju merah saga  
merah dadanya. Berdarah  
luka. Merah terserlah.

Gadis berbaju merah saga  
beralun tangis  
dalam sendu. Segalanya  
terhiba duka  
keseorangan  
kehilangan  
kosong.

Gadis berbaju merah saga  
menangis. Resahnya  
maruah tergadai  
maruah tergadai.

*Utusan Zaman*  
*9 Mei 1971*

## **MATIKAN BICARA**

Petang ini aku bangkit lagi  
untuk berbicara  
tentang semalam  
anak-anakmu dibunuh petualang.

Esok matikan bicara  
langkahlah mentari merah  
betapa kagum dilihat nanti  
kau jadi pembunuh  
agar tidak dibunuh.

Bunuhkan  
dan rasalah keenakannya,  
seperti kata ketuaku  
betapa enak rasa itu.

Bunuhlah  
jangan dibiarkan hidup  
nanti mereka akan lebih gagah  
dan bangun menempah hak  
jangan dibiarkan segar  
mereka pasti akan lebih kurang ajar.

Bunuhlah  
kau akan lebih senang  
bunuhlah  
kita akan lebih aman.

*Utusan Zaman*  
*13 Jun 1971*